

脈義簡摩卷五

皖南建德周學海潛初甫撰輯

主病類

大小清濁四脈 出診宗三昧

大脈者應指滿溢倍於尋常不似長脈之但長不大洪脈之既大且數也大脈有陰陽虛實之異經云大則病進是指實大而言素問曰邪氣勝則實仲景以大則爲虛者乃盛

大少力之謂然亦有下利脈大者爲未止是又以積滯未盡而言非大則爲虛之謂也有六脈俱大者陰不足陽有餘也有偏大於左者邪盛於經也偏大於右者熱盛於內也亦有諸脈皆小中有一部獨大者諸脈皆大



脈義簡摩卷五

皖南建德周學海潛初甫撰輯

主病類

大小清濁四脈 出診宗三昧

大脈者應指滿溢倍於尋常不似長脈之但長不大洪脈之既大且數也大脈有陰陽虛實之異經云大則病

進是指實大而言

素問曰邪氣勝則實

仲景以大則爲虛者乃盛

大少力之謂然亦有下利脈大者爲未止是又以積滯未盡而言非大則爲虛之謂也有六脈俱大者陰不足陽有餘也有偏大於左者邪盛於經也偏大於右者熱盛於內也亦有諸脈皆小中有一部獨大者諸脈皆大



中有一部獨小者。便以其部決其病之虛實。且有素稟六陽。或有一手偏旺偏衰者。又不當以病論也。凡大而數盛有力。皆爲實熱。如人迎氣大緊以浮者。其病益甚在外。氣口微大。名曰平人。其脈大堅以濇者。脹。孔子申風熱喘鳴肩息者。脈實大而緩則生。急則死。產後脈宜緩小。最忌實大。今證見喘鳴肩息。爲邪氣暴逆。又須實大而緩。方與證合。若實大急強。爲邪勝正衰。去生遠矣。此與乳子而病熱。脈懸小。手足溫則生。似乎相左。而實互相發明也。傷寒熱病。譫語煩滿。脈來實大。雖劇可治。得汗後。熱不止。脈反實大躁疾者死。溫病大熱。不得汗。脈大數強急者死。細小虛濇者亦死。厥陰病下利。脈大

者虛。以其強下之也。陰證反大發熱。脈虛大無力。乃脈證之變。內傷元氣不足。發熱脈大而虛。爲脈證之常。虛勞脈大。爲血虛氣衰。金匱云。男子平人脈大爲勞。氣有餘便是火也。所以瘦人胸中多氣而脈大。久病氣衰而脈大。總爲陰陽離絕之候。孰謂大屬有餘。而可恣行攻伐哉。若脈見乍大乍小。爲元神無主。隨邪氣之鼓動。可不慎而漫投湯液耶。

小脈者。三部皆小。而指下顯然。不似微脈之微弱依稀。細脈之微細如髮。弱脈之㒰弱不前。短脈之首尾不及也。夫脈之小弱。固爲元氣不足。若小而按之不衰。久按有力。又爲實熱固結之象。總由正氣不足。不能鼓搏熱。

勢於外。所以隱隱。畧見滑熱之狀於內也。設小而證見邪熱亢盛。則爲脈證相反之兆。亦有平人六脈皆陰。或一手偏小者。若因病而脈損小。又當隨所見而爲調適。機用不可不活也。假若小弱見於人迎。胃氣衰也。見於氣口。肺氣弱也。見於寸口。陽不足也。見於尺內。陰不足也。凡病後脈見小弱。正氣雖虛。邪氣亦退。故爲向愈。設小而兼之以滑實。伏匿得非實熱內蘊之徵乎。經云。切其脈口。滑小緊以沈者。病益甚。在中。又云。溫病大熱而反脈細小。手足逆者死。孔子而病熱。脈懸小。手足溫則生。寒則死。此與孔子中風熱互發言脈雖實。不至急強。脈雖懸小。四肢不逆。可卜胃氣之未艾。若脈失沖和。陽



竭四末。神丹奚濟。非特產後。卽妊娠亦不出此也。嬰兒病。赤瓣食泄。脈小。手足寒難已。脈小。手足溫易已。腹痛脈細小而遲者易治。堅大而急者難治。洞泄食不化。脈微小流連者生。堅急者死。諦觀諸義。則病脈之逆從。可默悟矣。而難經又言前大後小。則頭痛目眩。前小後大。則胸滿短氣。卽仲景來微去大之變詞。虛中挾實之指。和盤託出矣。

清脈者。清輕緩滑。流利有神。似小弱而非微細之形。不似虛弱之不任尋按。微脈之㮎弱依稀。緩脈之阿阿遲緩。弱脈之沈細而弱也。清爲氣血平調之候。經云。受氣者清。平人脈清虛和緩。中無險阻之虞。如左手清虛和

緩定主清貴仁慈。若清虛流利者。有剛決權變也。清虛中有一種弦小堅實。其人必機械峻利。右手清虛和緩。定然富厚安閒。若清虛流利。則富而好禮。清虛中有一種枯澀少神。其人雖豐。目下必不適意。寸口清虛。洵爲名裔。又主聰慧。尺脈清虛。端獲良嗣。亦爲壽徵。若寸關俱清。而尺中蹇澀。或偏小偏大。皆主晚景不豐。及艱子嗣。似清虛而按之滑盛者。此清中帶濁。外廉內貪之應也。若有病而脈清楚。雖劇無害。清虛少神。卽宜溫補。以助眞元。若其人脈素清虛。雖有客邪。脈亦不能鼓盛。不可以爲證實脈虛。而失於攻發也。

濁脈者。重濁洪盛。騰涌滿指。浮沈滑實有力。不似洪脈。



之按之奕濶。實脈之舉之減少。滑脈之往來流利。緊脈之轉索無常者也。濁爲稟賦昏濁之象。經云。受穀者濁。平人脈重濁洪盛。垂老不得安閒。如左手脈重濁。實屬汚下。右手重濁。可卜愚庸。寸口重濁。家世卑微。尺脈重濁。子姓鹵莽。若重濁中有種滑利之象。家道富饒。濁而兼蹇澹之象。或偏盛偏衰。不享安康。又主天枉。似重濁而按之和緩。此濁中兼清。外圓內方之應也。大約力役勞動之人。動輒勞其筋骨。脈之重濁。勢所必然。至於市井之徒。亦復拱手曳裾。而脈重濁者。此非天性使然。與若平素不甚重濁。因病鼓盛者。急宜攻發以開泄其邪。若平素重濁。因病而得蹇澹之脈。此氣血凝滯。痰涎膠



固之兆不當以平昔瀉濁論也

濡弱微細相類 出脈如

濡脈極柔如水面浮綿。輕診則得。重診無有。弱脈極柔。重按乃得。輕診無有。脈學云。浮脈如綿曰濡。沈脈如綿曰弱。浮而極細如絕曰微。沈而極細不斷曰細。又曰。輕診卽見。重按如欲絕者微也。往來如線而常有者細也。仲景曰。脈瞥瞥如羹上肥者陽氣微。縈縈如蠶絲細者陰氣衰。此四脈。雖形體不一。大較陰陽兩虧。病從內得。或失精亡血。或洩汗內溼。或氣促心驚。或虛脹消痺。或筋骨痠痺。老弱久病見之順。少年春夏見之逆。治法皆宜調營益氣。填精補髓。固脾健胃。急施拯救。方得全生。

凡診此脈。須察胃氣之多少。以豫示吉凶。庶不致取辱。
按此等脈。宜溫。命火兼滋。胃液。若虛寒太甚者。卽滋
液。且在所緩矣。

牢實相類

山脈如

牢脈。沈而有力。動而不移。明主陰寒凝固之象也。若實
脈。則浮沈皆得。大而且長。指下鼓擊。息數往來。動而能
移。乃主陽盛實熱之病。脈體固依稀相似。而主病則已
懸殊。均一動也。只爭移與不移。此徐東皋獨得牢脈之
神。識超千古矣。及閱方書。謂潔古實脈而投薑附。此必
非實脈。乃牢脈也。不容不細別之。

浮沈表裏辨說

出景岳傷寒篇

浮爲在表，沈爲在裏。此古今相傳之法也。然沈脈亦有表證，此陰實陽虛，寒勝者然也。浮脈亦有裏證，此陽實陰虛，水虧者然也。故凡欲察表邪者，不宜單據浮沈，只當以緊數有力無力爲辨。方爲的確。蓋寒邪在表，脈皆緊數。緊數甚者，邪亦甚；緊數微者，邪亦微。緊數而浮洪有力者，邪在陽分；卽陽證也。緊數而浮沈無力者，邪在陰分；卽陰證也。初病卽緊而漸緩者，寒邪之漸退而陽氣將復也。初病猶緩而漸緊者，陽氣之日衰而寒邪內陷也。其有似緊非緊，但較平昔稍見滑疾者，此外感而邪輕也。或初病而未深入也。若和緩而全無緊疾之意，則脈雖浮大，自非外邪。



表裏虛實大義

出脈神本滑氏

表裏虛實四者脈之綱也。表陽也。府也。凡六淫之氣。襲於經絡。而未入於胸府及藏。皆表也。裏陰也。藏也。凡七情之氣。鬱於心肺之間。不能越散。飲食五味之傷。留於藏府之間。不能消洩。皆屬於裏也。虛者。元氣之自虛。精神耗散。氣血衰竭也。實者。賊邪之氣實。由正氣之本虛。邪得乘之。非元氣之自實也。故虛者補元氣。實者寫邪氣。經所謂邪氣盛則實。精氣奪則虛。此大法也。

脈病異同

出診宗三昧

凡人有病同而脈異者。如六淫七情八風九氣一時之病。大率相似。而所見之證。亦多相類。但人有稟賦強弱



不同。且有內戕神志、外役形體、種種懸殊。脈象豈能如
一如失血證。有脈浮大而芤者。有小弱而數者。傷胃及
藏之不同也。氣虛證。脈有氣口虛大而濇者。有氣口細
小而弱者。勞傷與脫泄之不同也。至於病異而脈同者。
內傷夾外感。陽證夾陰證。虛中有實結。新邪夾舊邪。表
裏交錯。爲患不一。而脈之所見。不離陰陽虛實之機。其
細微見證。豈得盡顯指下。如太陽中風。與癱瘓不仁。脈
皆浮緩。一爲暴感之邪。一爲久虛之病。又虛勞骨蒸。瘧
病寒熱。關尺皆弦緊。一爲腎藏陰虛。一爲少陽邪盛。又
如上魚際脈。遺尿有此脈。逆氣喘急。亦有此脈。又曰。脈
緊而長過寸口者。注病。女子思男不遂。亦有此脈。使非

脈證互參。幾何不歧誤耶。

脈證順逆

脈如本診宗三昧

脈有陰陽虛實之不同。而病則應焉。脈病形證相應而不相反。萬舉而萬當。少有乖張。良工拙工亦無所別矣。故脈之於病。有宜有不宜。不可以不辨也。左有病而右

痛。右有病而左痛。上病下痛。下病上痛。此爲逆。死不可

治。此見脈經。本謂金瘡仆跌。致經脈傷損者。如傷寒未得汗。脈浮大爲陽。易

已。沈小爲陰。難已。傷寒已得汗。脈沈小安靜爲順。浮大

躁疾者逆。然多有發熱頭痛。而足冷陽縮。尺中遲弱。可

用建中和之者。亦有得汗不解。脈浮而大。心下反鞭。合

用承氣攻之者。更有陰盡復陽。厥愈足溫。而脈續浮者。



苟非深入南陽之室，烏能及此。迨夫溫病熱病，熱邪亢盛相同，絕無浮緊之脈。觀內經所云：熱病已得汗而脈尚躁盛，此陰脈之極也，死。其得汗而脈靜者生。熱病脈尚躁盛而不得汗者，此陽脈之極也，死。脈躁盛得汗靜者生。他如溫病穰穰大熱，脈數盛者生，細小者死。熱病汗下後，脈不衰，反躁疾，名陰陽交者死。歷參溫熱諸病，總以數盛有力爲順，細小無力爲逆。得汗後，脈不衰，反躁盛，猶逆也。至於時行疫癘，天行大頭，咸以脈數盛滑利爲順，沈細虛濇爲逆。然溼土之邪內伏，每多左手弦小。右手數盛者，總以辛涼內奪爲順，辛熱外散爲逆。當知溫熱時疫，皆熱邪內蘊而發，若與表散，如鑪冶得鼓。



鑄之力耳。然疫癘雖多人迎不振。設加之下利足令又未可輕許以治也。故昔人謂陰陽俱緊。頭痛身熱而下利足令者死。謂其下虛也。至若溫毒發斑。譫語發狂等證。總以脈實便悶爲可治。脈虛便滑者難治。若斑色紫黑。如果實。雖便悶能食。便通必隨之而逝矣。其狂妄躁渴。昏不知人。下後加哕逆者。此陽去入陰。終不可救。卒中風口噤。脈緩弱爲順。急實大數者逆。中風不仁。痿蹙不遂。脈虛濡緩爲順。堅急疾者逆。中風遺尿盜汗。脈緩弱爲順。數盛者逆。中風便溺阻滯。脈滑實爲順。虛澹者逆。中寒卒倒。脈沈伏爲順。虛大者逆。中暑自汗喘乏。腹滿遺尿。脈虛弱爲順。躁疾者逆。暑風卒倒。脈微弱爲

順散大者逆。大抵卒中天地之氣。無論中風中寒中暑中暍。總以細小流連爲順。數大實堅爲逆。散大濇艱。尤非所宜。不獨六淫爲然。卽氣厥痰厥食厥虵厥。舉不外此。蓋卒中暴厥。皆眞氣素虧。故脈皆宜小弱。不宜數盛。此說非也。脈滑大者易治。以正氣猶強也。中空大呆硬者難治。以眞氣已敗也。中惡腹滿。則宜緊細微滑。不宜虛大急數。中百藥毒。則宜浮大數疾。不宜微細虛濇。詳中風中暑一切暴中。俱有喘乏遺尿。如中風中寒。則爲腎氣乏絕。中暑中暍。則爲熱傷氣化。痰食等厥。則爲氣道壅遏所致。死生順逆懸殊。不可辨而混治乎。凡內傷勞倦。氣口虛大者爲氣虛。細弦或濇者爲血虛。若躁疾虛大堅搏。大汗出發熱不止者死。以裏